

TEZAU LITURGIC
25 IULIE

SLUJBA
ADORMIRII
SFINTEI ANA



MOSCOVA, 2000



Мѣсяца Іулія въ 25-й день Успѣніе святыя Анны, матере Пресвятыя Богородицы

НА МАЛЪЙ ВЕЧЕРНИ,

[На Господи возвахъ:] **стихиры на 4, гласъ 1.**

Подобенъ: Небесныхъ чиновъ.

Память совершающе праведныхъ* и праотець Христовыхъ* Іоакима и Анны,* свѣтлыхъ святыихъ,* прославимъ непрестанно пѣсньми тайными* Щедрого Господа,* показавшаго сихъ въ наше спасеніе,* неуклонныхъ молитвенниковъ. **[Дважды.]**

Яже прежде не раждающая неплоды,* прозябшая Начатокъ спасенія рода нашего,* днесь преставися ко оной жизни,* просящи Христа,* даровати согрѣшеніемъ оставленіе,* иже вѣрою Того воспѣвающимъ.

Память праведныхъ совершающе,* воспѣваемъ Тя, Христе,* преславно Анну отъ жизни привременныя,* къ безпрестаннѣй и божественнѣй преставльшаго нынѣ,* яко матеръ сущую,* Тебѣ рождшія безъ сѣмене паче естества,* Богородицы и Матере Дѣвы.

Слава, и нынѣ, гласъ 4:

Приидите, вси вѣрнии, пámять праведныхъ [свѣтло праздноуемъ, Иоакима и Анны праотець днесь: яко родиста намъ Матерь Спасову, Марію Пренепорочную. Тѣмже къ нѣмъ возопіемъ: супруже святоизбранный, сожителство свято и богопочтѣнное, иже отъ чреслъ вашихъ возсіявши Христа Бóга, Того молите, спастися душамъ нашимъ].

На стиховнѣ стихиры, гласъ 2. Подобень:

Дóме Евфраѳовъ.

Приидите, земнороднии,* днесь со ангелы,* составимъ ликъ свѣтель,* во успеніи* Христовы праматере.

Стихъ: Рáдуйтесь, праведнии, о Гóсподѣ,* [правымъ подобаеть похвала].

Двѣри небесныя* отвѣрзятся,* се бо прамати Вышняго,* Анна праведная* умирающи,* нынѣ приходитъ.

Стихъ: Блажени вси, боящися Гóспода,* ходящии въ путехъ Его.

Слава на небеси,* на земли веселіе,* се бо праматерь Зиждителя,* въ рúцѣ Владычнѣ,* дúшу предаеть.

Слава, и нынѣ, гласъ тойже:

Что соборъ сошедшихся прииде [во всечестнѣмъ храмѣ праотець благоговѣнно? Срадуйтесь, — вопіюще, — челоуѣчестіи роди днесь, яко Анна отъ земли представляется ко Господу, Тому предстоящи, и намъ просящи подати очищеніе, иже вѣроу совершающимъ тоя успеніе].

Тропарь, гласъ 4:

Жизнь рождшую во чревѣ носила еси, чистую Богоматерь, богомудрая Анно. Тѣмже къ пріятію небесному, идѣже веселящихся жилище, въ славу радуешься, нынѣ представилася еси, чтущимъ тя любовію прегрѣшеній просящи очищенія, присноблаженная.

НА ВЕЛИЦѢЙ ВЕЧЕРНИ,

Поѣмъ: Блаженъ мужъ.., 1-й антифонъ. На

Господи возвахъ: стихиры на 8, гласъ 4.

Подобенъ: Далъ еси знаменіе.

Закона оправданія* соблюдаючи невредима* и Богу Вседержителю непорочно работаючи,* сподобилася еси, Анно, матери быти* по плоти Христа рождшей* Чистѣй Богоотроковицѣ,* съ Неюже ты ублажаемъ* и святое твое успеніе* радостною мыслію празднуемъ днесь. **[Дважды.]**

Жизни палату,* Анно богомудрая,
рождши,* къ жизни преставилася еси войстинну
нетлѣннѣй* и совокупаешися съ лики
праведныхъ,* питающихъ тя богато Владычнейоу
радостію;* тѣмже твоё
преставленіе* совершаемъ,
приснопоминаемая,* и вѣрно
почитаемъ,* богомудрая, днесь.

Дверь небесную,* Анно богомудрая,
рождши,* къ небесному селенію востекла еси,
славная,* и славы божественныя нынѣ
наслаждаешися.* Еяже и насъ, честное твоё
успеніе празднующихъ,* молитвами твоими
сподоби,* страстей мракъ разоряющи* и лютыхъ
обстояній* мглу отгонящи.

Ины стихиры, гласъ 1. Подобень: О, дивнаго
чудесе!

Се свѣтозарное торжество* и свѣтлый день и
міру, радостный,* успеніе честное и
достохвальное Анны благославныя,* изъ неяже
родися Жизнь рождшая,* одушевленный кивотъ,
невмѣстимое Слово вмѣстившая,* печали
разрѣшеніе и радости Ходатаица,* подающая
всѣмъ вѣрнымъ велию милость. **[Дважды.]**

О, преславнаго чудесе!* Источникъ жизни
преславно рождшая,* едину въ женахъ
благословенную Чистую,* проставляется отъ

вре́менныя жи́зни ко безконéчнѣй* Анна
благосла́вная,* отъ земли́ взѣмши́ся къ
небéснымъ,* днeсь сра́доватися а́нгельскимъ
собо́ромъ,* ея́же ны́нѣ свято́е пра́зднуемъ
торжeство.

Днeсь свѣ́тлое торжeство, вѣ́рныхъ
лицы,* успéние твоé честное́ почита́емъ
всеблагоговѣ́йно* Божéственнымъ
Ду́хомъ:* настá бо намъ исцѣлénий блиста́ющая
благодáть,* и попада́ющая возду́шныхъ ду́ховъ
лука́выхъ совокуплénия,* и свѣ́томъ
наставлénная мýсли* вѣ́рою воспѣ́вающихъ
твоé, досточúдная Анно* честное́ прeставлénие.

Сла́ва, и ны́нѣ, гласъ 8. Анато́лиево:

Иже отъ непло́дныхъ чрeслъ жeзлъ святѣ́й,
Богороди́цу, прозя́бшій, изъ Нея́же спасéние мiру
возсия́ — Христóсъ Богъ, супру́гъ непорóчный и
двои́це святáя, Иоакимъ и Анна; сiи бо,
прeстáвльшеся къ небéснымъ селénиeмъ, со
дщeрiю своeю Пречистóю Дѣ́вою и со а́нгелы
лику́ють, о мiрѣ моли́тву творя́ще. Ихже пою́ще
и мы, соше́дшеся, благочeстно глаго́лемъ: иже
Богоотрокови́цы ради́ и Пречисты́я Марiи,
праотцы́ Христóвы бывше, моли́теся о душа́хъ
нашихъ.

Входъ. Прокимень дне́. Чтénия три́.

Премудрости Соломоновы чтение.

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Спротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломоновы чтение.

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ лицемъ человѣческимъ, аще и муку приимутъ, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріять я. И во время посѣщенія ихъ, возсіяють, и яко искры по стѣблю, потекутъ. Судятъ языкомъ и обладають людьми, и воцарится Господь въ нихъ во вѣки. Надѣющіися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣченіе во избранныхъ Его.

Премудрости Соломоновы чтение.

Праведникъ, аще постигнетъ скончатися, въ покои будетъ. Старость бо честна не многолѣтна, ниже въ числѣ лѣтъ исчитается. Съдина же есть мудрость человѣкомъ, и возрастъ старости — житіе нескверное. Благоугоденъ Богови бывъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не

злѡба измѣнить разума его или лѣсть прельститъ душу его. Раченіе бо злѡбы помрачаетъ добрая и пареніе похоти, премѣняетъ умъ незлѡбивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковѡе, яко благодать и милость въ преподобныхъ Его и посѣщеніе во избранныхъ Его.

На литіи стихиры, гласъ 1:

Начатокъ спасенія нашего свѣтло рѡждшая, днесъ отъ земли представляется Анна всечестная. Приидите убо, празднѡлюбцы и христілюбцы, цвѣты пѣсней восприемше, къ ней возопіемъ: цѣломудренная Анно, блаженно чрево твоѡе, еже Матерь Божія Слова носившее, и сосца твоя красны, имиже Сію питала еси. Ибо Та безсѣменно рѡждши Живодавца, сподобися съ Нимъ царствовать, и тя нынѣ Преставивый къ непрестаннѣй и божественнѣй жизни, Матери Своей соводворятися и срадоватися сподобиль естъ. Тѣмже молимъ тя, совершающе память твою вѣрно, съ Нею молитися спастися душамъ нашимъ.

Гласъ 2:

Приидите, любодѣвственнии вси и чистоты рачителие, приидите, празднуемъ Аннино честное успение: ибо та породе паче естества источника жизни, Марию Богоотроковицу, изъ неяже родися Избавитель, просвѣщаяй и освящаяй души наша.

Что соборъ сошедшихся прииде во всечестнѣмъ храмѣ праотецъ благоговѣно? Срадуйтесь, — вопиюще, — челоуѣчестии роди днесь, яко Анна отъ земли представляется ко Господу, Тому предстоящи, и намъ просящи подати очищение, иже вѣрою совершающимъ тоя успение.

Гласъ 4:

Приидите, вси вѣрнии, память праведныхъ свѣтло празднуемъ, Иоакима и Анны праотецъ днесь: яко родиста намъ Матерь Спасову, Марию Пренепорочную. Тѣмже къ нимъ возопіемъ: супруже святоизбранный, сожительство свято и богопочтенное, иже отъ чреслъ вашихъ возсіявши Христа Бога, Того молите, спастися душамъ нашимъ.

Слава, и нынѣ, гласъ 5:

О, блаженная двоице! Вы всѣхъ родителей превзыдѣте, яко твари всея Преимущую прозябли есте. Истинно блаженъ еси, Иоакиме,

таковы́ Отрокови́цы бѣвъ роди́тель. Блаже́нна
ложе́сна твоя́, Анно, яко́ Ма́терь Жи́зни на́шея
прозябла́ еси́; блаже́нни сосцы́, и́миже воздо́йла
еси́, млеко́мъ Пита́вшую Пита́ющаго вся́кое
дыха́ние. Егѡ́же мо́лите, ва́мъ, всеблаже́нни,
мо́лимся, поми́ловатися душа́мъ на́шимъ.

На стиховнѣ стихирѣ, гласъ 5. Подобенъ:

Ра́дуйся по́стниковъ.

Ра́дуйся, мы́сленная ла́стовице,* ве́сну
благода́ти на́мъ возвѣстившая,* непоро́чно въ
цѣломуд́рии жителъствовавши до́брѣ,* и дѣвства
сокро́вище,* че́стно
болѣзновавшая,* непоро́чную
Богоро́дицу,* а́гнице честна́я, я́же ро́ждшая
Юни́цу,* взема́ющаго Агнца́ ми́ра
прегрѣше́нїя,* сло́вомъ Сло́во ро́ждшую, еди́ну
Неискусомужную,* Анно, прама́ти Госпо́дня, тя
отъ земли́ пресе́льшаго.* Егѡ́же ны́нѣ
моли́* душа́мъ на́шимъ дарова́ти ве́лю ми́лость.

Стихъ: Ра́дуйтеся, пра́ведни, о
Госпо́дѣ,* [пра́вымъ подоба́еть похва́ла].

Ра́дуйся, вожде́лѣнная Бо́гу,* избра́нная
свя́тости сия́ни закѡ́на,* дво́ице честна́я,* я́же
изъявле́нїя до́брѣ Боже́ственною благода́тию
предлага́ющая,* Христа́ ро́ждшую, Нача́льника
жи́зни на́шея, Та́ родивши,* Иоакимъ
богопрі́ятный и боже́ственная Анна

всечестная,* свѣтильницы, возсіявши свѣщу
безсѣнную,* благопрáвлящи благодать,
Пречистую Богородицу.* Съ Неюже
молятся* душамъ нашимъ даровати велию
милость.

Стихъ: Блажени вси, боящися
Господа,* ходящии въ путехъ Его.

Радуйся, благословенная землѣ,* яже
богопрóзѣбшую мiрови зѣмлю процвѣтшая,* яже
въ законѣ Божественнѣмъ безпрестани
поучающаяся* и благодать всѣмъ
подписавшая,* союзъ неплодствiя рождествомъ
своимъ избѣгшая,* и смѣртiю нетлѣниѣ
воздавающая,* и къ Божественнѣй
преставляющаяся свѣтлости Анна
богоблаженная,* прамати Христа Бога,* яже
свѣтоносный свѣтильникъ — Богородицу
рождшая.* Съ Неюже испроси* душамъ нашимъ
даровати велию милость.

Слава, и нынѣ, гласъ 8:

Приидите, вся тварь, въ кимвалѣхъ псаломски,
сошедшеса, восхвалимъ Анну богомудрую,
божественную гору рождшую отъ ложесныхъ
своихъ и къ горѣ мысленнѣй и райскимъ
селенiемъ днесъ преминувшую, и къ ней
возопiемъ: блаженное чрево твоѣ, носившее
воистинну Свѣтъ мiрови внуть во чревѣ

носѣвшую, и сосца́ твоя́ красная, яже ссаше доившая Христа́, пищу́ жизни нашея. Егѡже моли́ изба́вити насъ отъ всякія скорби́ и прилога́ вражія и спасти́ ду́ши наша.

**[На благословѣніи хлѣбовъ:] тропарь, гласъ 4:
Жизнь рѡждшую во чрѣвѣ.., трижды [писанъ
на малѣй вечерни].**

Зри: Святыхъ женъ отпѣваемъ канонъ на повечеріи общій, когда́ настоятель изволить.

НА УТРЕНИ,

**На Богъ Господь: тропарь Анны святія,
трижды. [Богородична не глаголемъ.]
По 1-мъ стихословіи съдаленъ, гласъ 4.**

Подобенъ: Скоро предвари.

Твое́ празднуемъ, праведная Анно, успѣніе, славою бо неизреченною прослави́ тя Христо́съ Богъ, яко́ праматерьъ Свою́. Тѣмже, преста́вльшися, Того́ моли́ ми́ръ моли́твами твоими́ подати́ намъ, покрыва́ющи отъ сопротивныхъ ду́ши наша. [Дважды.]

Слава, и нынѣ, богородиченъ:

Обнови́ла еси́, Чистая, Божественнымъ Рождествомъ Твоимъ истлѣвшее во страстѣхъ земнородныхъ мѣртвенное существо́ и воздвѣгла еси́ вся́ отъ смѣрти къ животу́ нетлѣнія, тѣмже

Тя́ по до́лгу блажи́мъ вси́, Дѣ́во
препросла́вленная, я́коже прорекла́ еси́.

По 2-мъ стихословіи съдаленъ, гласъ 4.

Подобенъ: Удивися Іосифъ.

Въ ру́цѣхъ на́съ ради отъ Дѣ́вы вочеловѣ́чшагося
преда́вши ду́шу, и́бо Зижди́тель тво́й и Бо́гъ къ
нетлѣ́ннѣй жи́зни преста́ви тя́. Тѣ́мже ны́нѣ
че́стно ублажа́емъ тя́, я́ко еди́ной честнѣ́й и
непорочнѣ́й вои́стинну Богоро́дицѣ́ су́щую
ма́терь, и согласно́ взыва́емъ: Зижди́теля Твоего́
и Бо́га, Христа́ Спа́са на́шего, моли́ спасти́ся
душа́мъ на́шимъ. **[Два́жды.]**

Сла́ва, и ны́нѣ, богоро́диченъ:

Удивися Іосифъ, е́же па́че естества́ зря́ и
внима́ше мы́слию, и́же на руно́ до́ждь, въ
безсѣ́менномъ зача́ти Твое́мъ, Богоро́дице,
купину́, огне́мъ неопали́мую, же́зль Ааро́новъ
прозя́бшій, и, свидѣ́тельствуя, обру́чникъ Тво́й и
храни́тель священникомъ взыва́ше: Дѣ́ва
ражда́етъ и по рождествѣ́ па́ки Дѣ́вою
пребыва́етъ.

На по́ліелѣи припѣ́въ:

Велича́емъ тя́, свята́я пра́ведная Анно,
прама́ти Христа́ Бо́га на́шего, и всечестно́е
сла́вимъ успе́ніе твое́.

Псаломъ избранный: Блаженъ мужъ, бояйся Господа, въ заповѣдехъ Его восхощетъ зло...

По поліелѣи съдаленъ, гласъ 5. Подобень:
Собезначальное Слово.

Ангель множества славословятъ Тя, и человѣческой родъ вѣрно поетъ Тя, яко преставилася еси къ Создавшему и Спасшему Тя, Анно праведная; и нынѣ молишия прилѣжно избавитися отъ бѣдъ, иже вѣрою праздноующихъ твоѣ успѣніе.

Слава, тойже. И нынѣ, богородичень:

Иже на Тя упованіе, Пречистая, непреткновенное имущимъ, покровъ сущи, отъ различныхъ обстояній и бѣдъ лютыхъ свободи насъ, молящи Сына Твоего съ матерію Твоею, спасти всѣхъ, воспѣвающихъ Тя.

Степенна, 1-й антифонъ 4-го гласа.
Прокимень, гласъ 4: Возвѣща праведнии, и Господь услыша ихъ,* [и отъ всѣхъ скорбей ихъ избави ихъ]. **Стихъ:** Многи скорби праведнымъ, [и отъ всѣхъ ихъ избавитъ я Господь]. **Всякое дыханіе... Евангеліе отъ Матѳея, зачало 56.**

По 50-мъ псалмѣ стихира, гласъ 6:

Приидите, вси концы земнии, духовный ликъ составимъ, и Христову праматерь восхвалимъ, глаголюще: радуися, праведная Анно и Богомъ

почтѣнная; радуйся, яже правду добръ
подъёмшая; радуйся, праведнымъ
равностоятельная и святымъ единокровна. Съ
нимиже молися, спасися душамъ нашимъ.

**Канонъ Пресвятыя Богородицы со
ирмосомъ на 6, и святыя Анны на 8, гласъ 4.
Пѣснь 1.**

Ирмосъ: *Отверзу уста моя, и наполнятся
Духа, и слово отрыгну Царицъ Матери, и
явлюся, свѣтло торжествую, и воспою, радуясь,
Тоя чудеса.*

Согрѣшеній прощѣние, и злыхъ избавленіе, и
житія исправленіе нынѣ ми испроси, твою
свѣтоносную паметъ почитающему днесь, Анно
всехвальная.

Животъ рождшую боголѣпно родила еси,
тѣмже къ присножизненнѣй жизни
преставилася еси, наслаждающихся радости
неизглаголанная и Свѣта невечерняго, Анно
богозванная.

Благодать Божественная къ радости престави,
безъ сѣмене юже роди Дщи сея Чистая, и
предстоитъ со многимъ дерзновеніемъ,
Господеви молящися спасися всѣмъ.

Праведно и преподобно поживши,
всехвальная, къ Праведному Господу нынѣ
преставилася еси радоватися съ праведными,

иже отъ вѣка, тѣмже, сошедшеся, тя вѣроу почитаѣмъ.

Богородичень: Изъ Тебѣ намъ возсія Солнце праведное, и всю озари богоразуміемъ зѣмлю, и разори мглу неразумія, Чистая, Всенепорочная, и Всеблаженная.

Катавасія: Отвѣрзу уста моя и наполнятся
Духа...

Пѣснь 3.

Ирмосъ: *Не мудростію, и сілою, и богатствомъ хвалимся, но Тобою, Отчею впостасною Мудростію, Христе: нѣсть бо святъ, паче Тебѣ, Человѣколюбче.*

Зачѣншую Содержащаго вся зачала еси и родила еси паче слова Христа рождшую, тѣмже твоѣ успѣніе, Анно, почитаѣмъ.

Съ похвалами совершается славная пѣмь твоя, яко родила еси намъ хвалѣній превышшую, чистую Богоматерь, Анно богопріятная.

Якоже солнце съ луною, Аннѣ совокупляся, славный Іоакимъ, дѣвства зарю раждаѣтъ, Еяже ради Божества луча просія.

Гору Божественную изъ чреслъ твоихъ родила еси и къ горамъ мысленнымъ и рай селеніемъ, Анно, преминула еси, богоблаженная.

Богородиченъ: Тя Предстательницу твердую, Богородительнице, стяжахомъ, упование на Тя возложивше, спасаемся и, къ Тебѣ бо прибѣгающе, ограждаемся.

Съдаленъ, гласъ 8. Подобенъ: Премудрости.

Матере Владыки и Творца матери была еси, Анно всехвальная, Того повелѣнія присно хранящи, сего ради, умерши, къ жизни безсмертнѣй преставилася еси воистинну и къ Свѣту невечернему. Тѣмже свѣтоносную и святую твою память совершаемъ, духомъ просвѣщаеми всегда, и согласно вопіемъ ти: моли Христа Бога грѣховъ оставленіе даровати чтущимъ любовію святую память твою.

**Слава, и нынѣ, тойже.
Пѣснь 4.**

Ирмосъ: *Съдѣй въ славу на Престолахъ Божества во облацехъ легихъ, прииде Исусъ Пребожественный, Нетлѣнною Дланію и спасе зовущія: слава, Христе, силъ Твоихъ.*

Яже въ законѣ писаная, поучающися, совершила еси и Законодавца Матере матери была еси, тѣмже тебѣ вся тварь по долгу нынѣ сотворяетъ твою радостно память.

Блаженное чрево твоё воистинну, носившее Свѣтъ міра внутрь во чревѣ носившую, и сосца

твоя́ красная, яко дои́вшая дои́вшую, Анно, Христа́, Пита́теля нашего́.

Яко поживши непоро́чно, непоро́чно родила́ еси́, Богороди́цу Отрокови́цу, Сло́во Отчее породив́шую, и къ Нему́ со сла́вою всели́лася еси́, обоже́на честны́ми вои́стинну прича́стии.

Богородичень: Дѣвы чре́во — сто́гъ, якоже на гумнѣ́, вои́стинну яви́ся, класъ недѣланенъ иму́щи, имже пита́ется всякое естество́, зову́щее: Всеси́льне, сла́ва, Христѣ́, си́лъ Твое́й.

Пѣснь 5.

Ирмо́сь: *Нечести́ви не узрятъ сла́вы Твоея́, Христѣ́, но мы́ Тя́, Единоро́дне, Оте́ческія сла́вы Сія́ніе Божества́, отъ но́щи у́тренююще, воспѣ́ваемъ Тя́, Человѣ́колюбче.*

Не́бо родила́ еси́ на земли́ вои́стинну, ро́ждшую небесе́ Творца́, днесь́ ты́ преста́вляюща къ небесны́мъ со сла́вою, Анно пресла́вная.

Съ невещѣ́ственными чини́ми невещѣ́ственнымъ умо́мъ лику́еши радостно, исполня́ема сія́нія Богато́давца, но на́съ помина́й, вѣрою хва́лящихъ тя́.

Отъ ко́рене Іессее́ва прозя́бшая явѣ́, благоцвѣ́тущій же́зль, Чи́стую, израсти́ла еси́,

сла́вная, израсти́вшую цвѣ́тъ неувяда́ющей, Иису́са, Изба́вителя на́шего.

Богоро́диченъ: **Къ** Тебѣ́ прибѣ́гаю еди́нѣй держа́внѣй, вѣ́рныхъ покрóву, на Тя наде́жду возлага́ю спасе́нія моего́, Пресвята́я Влады́чице Богоро́дице, не прѣ́зри мене́.

Пѣ́снь 6.

Ирмо́сь: *Пожру́ Ти со гла́сомъ хвалѣ́нія, Го́споди, Це́рковь вопіе́тъ Ти, отъ бѣ́совскія кро́ве очисти́ся, ра́ди ми́лости отъ ре́брь Твои́хъ истекшею кро́вию.*

Го́спода Иису́са Бо́га праотцы, Иоакимъ же и Анна, правдою укра́шени, по досто́янію въ пѣ́сняхъ да восхва́лятся днесь.

Вся́ческія похва́лы Анна превзы́де, я́ко всякія похва́лы Превозше́дшую родила́ е́сть, сего́ ра́ди въ лицѣ́ праведныхъ водворя́ется.

Свѣ́тоно́сія и свѣ́тлости испо́лнена па́мять твоя́, сія́нія же въ ми́рѣ спаси́тельная испу́щающи, цѣ́ломудренна́я Анно, дарова́ній вся́ческихъ испо́лни.

Ручку́, ма́нну божѣ́ственную вмѣ́стившую, во чре́вѣ носи́ла еси́, Анно, и, съ Нею ны́нѣ на небесе́хъ живу́щи, о всѣ́хъ мо́лишися, прехва́льная.

Богородичень: Отъ Анны мірови родилася еси, Царице, всѣхъ Царя рождшая, и, дѣвствующи по рождествѣ, херувимъ превышиши, Пренепорочная.

Кондакъ, гласъ 2. Подобень: Вышнихъ ища.

Прародителей Христовыхъ память празднуемъ, тѣхъ вѣрно просяще помощи избавитися всѣмъ отъ всякія скорби, зовущимъ: Богъ нашъ съ нами, сіхъ прославлѣй, якоже благоволи.

Икосъ:

Пророчески снідемся вси достойно пѣти праматере Христовы блаженное преставленіе: днесь бо отъ временныя преставися жизни, на небесѣхъ съ радостію шествіе творящи, радуется, яко сущи матери воистинну сущія Богородицы, и взываетъ вѣрно: величитъ душа моя Господа, яко родихъ Сего Матерь на земли, иже Сію прославлѣй, якоже благоволи.

Пѣснь 7.

Ирмосъ: Спасый во огні авраамскія Твоя отроки и халдеи убивъ, яже Правда праведно уловляше, препѣтый Господи, Боже отецъ нашихъ, благословенъ еси.

Яко жизни истинныя, Анно, Матерь рождши, къ жизни истиннѣй преставилася еси ко свѣту,

взыва́ющи: препѣ́тый Го́споди, Бо́же оте́ць
на́шихъ, благослове́нь еси́.

Яже Ма́тери Изба́вителя ма́ти су́щи, Анно, отъ
земли́ къ небеси́, добродѣ́тельми укра́шена,
востече́, во хвале́нии зову́щи: Бо́же оте́ць
на́шихъ, благослове́нь еси́.

Къ несконча́емѣй жи́зни, къ пространнѣ́й
широтѣ́ райскія пи́щи, къ невече́рнему свѣ́ту
отшла́ еси́, богоно́сице, зову́щи: Бо́же оте́ць
на́шихъ, благослове́нь еси́.

Испещре́на добродѣ́тельми, добро́тою
Боже́ственныхъ дарова́ній укра́шена, къ Бо́гу
преложи́ся, непреста́нно зову́щи: препѣ́тый
Го́споди, Бо́же оте́ць на́шихъ, благослове́нь еси́.

Богоро́дичень: Укра́шена добро́тами
добродѣ́телей, кра́снаго па́че сыно́въ
человѣ́ческихъ роди́ла еси́ Сло́во,
Пренепоро́чная, кра́сными лѣ́потами
украша́ющаго Тебе́ пѣсносло́влящихъ.

Пѣснь 8.

Ирмо́сь: *Отроки благочести́выя въ пе́щи
Рождество́ Богоро́дичо спасло́ е́сть, тогда́ убо
образу́емое, ны́нѣ же дѣ́йствуемое, вселенну́ю
всю́ воздвиза́етъ пѣ́ти Тебѣ́: Го́спода по́йте,
дѣ́ла, и превозноси́те Его́ во вся́ вѣ́ки.*

Мати еди́ныя Богоро́дицы, яже неплóды прѣжде, нынѣ же прамати Христо́ва, якоже неплóдства, сице и мѣртвости, совлѣкши оде́жду, во странѣ живущихъ вопіе́тъ: Го́спода пойте, дѣла́, и превозносите Его́ во вся вѣки.

Христóсь тебѣ́ двѣри вы́шнія отвѣрзе, радóстно ты пріятъ, яко двѣрь родила́ еси́, ёюже Самъ прóйде и затворѣну яви́ по исхождѣніи, богомудрая досто́йнопѣтая Анно, тѣмже ты почитае́мъ, вѣрнии, во вѣки.

Свято житіе́ скончавши, Святы́я Приснодѣвы́ матери́ была́ еси́, Яже Пресвято́е Сло́во породі́, освяще́ніе и избавле́ніе намъ подаю́ща, богомудрая и досточудная Анно, тѣмже ты пое́мъ прісно, вѣрнии, во вѣки.

Богородичень: **М**но́гими мя́ содержи́ма бѣда́ми и бу́рею грѣховною́ бѣдству́ющаго, ко приста́нищу невла́емому́ дыха́ніи Ду́ха, Богороди́тельнице Влады́чице, нынѣ наста́ви: приста́нище бо еси́ христіа́нъ. Тѣмже Ты́ пое́мъ во вся вѣки.

Пѣснь 9.

Ирмо́сь: *Ева́ убо́ недуго́мъ преслуша́ніа клятву́ всели́ла е́сть, Ты́ же, Дѣ́во Богоро́дице, прозябе́ніемъ чревоноше́ніа мірови́ благослове́ніе процвѣ́ла еси́. Тѣмъ Ты́ вси́ велича́емъ.*

Оть земли чрева твоего воистинну родися земля святая, недѣланень класъ прозябши безсѣменно, мірови Питателя и Господа, тебе къ неизживаемой пищи, Анно, премудро преставльшаго.

Память твоя днесь намъ возсія, солнца свѣтлѣйши, сіяніемъ богатыхъ даровъ насъ просвѣщаючи, всечестная, и мракъ страстей изымаючи, юже совершающихъ сохрани.

Божественный насъ Іоакимъ и Анна богомудрая и всеславная, супругъ честный и свѣтоносный, созываютъ божественнѣ веселитися сихъ праздникомъ, егоже уясни Свѣтодавецъ всѣхъ Господь.

Богородичень: Маріе Госпоже всѣхъ, всякими мя порабощена согрѣшеніи нынѣ свободи: Сама бо Свободителя родила еси всѣхъ, работы насъ избавльшаго грѣховныя, Божественнымъ мановеніемъ.

Свѣтилень. Подобень: Со ученики.

Достодолжно воспоемъ богозванную Анну: Богородицу бо та Дѣву Марію рождши паче надежды, сродница по плоти Христа, Избавителя нашего, явися, сию боголѣпно приѣмшаго днесь въ вышнихъ, о насъ молящуюся и о умиреніи міра. **[Дважды.]**

Слава, и нынѣ. Подобень: Небо звѣздами.

Небо рождши, Анно, новое, Марию, Еюже
возсія славы Солнце, днесъ отъ земли къ
небеснымъ преходиши, Христу срадуящися,
преславная.

На хвалитехъ стихиры на 4, гласъ 1.

Подобенъ: Небесныхъ чиновъ.

Память совершающе Анны честную,* Тебе
воспѣваемъ, Христе,* преславно сію отъ жизни
привременныя* къ непрестающей славы
преставльшаго нынѣ,* яко мать сущую безъ
сѣмене рождшія Тя паче естества* Богородицы и
Приснодѣвы Матере. **[Дважды.]**

Память святую совершающе праотець
Христовыхъ* Иоакима и Анны,* честныхъ и
непорочныхъ,* прославляемъ непрестанно
Избавителя* и Щедрого Господа,* сихъ
преставльшаго къ жизни* нестарѣемъ и
нетлѣннѣй.

Къ невещественнымъ ликомъ и праведныхъ
селеніемъ,* идѣже ангельстии чини,* идѣже
святыхъ соборъ,* радость празднующихъ
совершается,* нынѣ дѹхи праведныхъ Иоакима и
Анны всели,* ихже благочестно восхваляюще,
ублажимъ.

Слава, и нынѣ, гласъ 2:

Приидите, любодѣвственнии вси и чистоты
рачителіе, приидите, празднуемъ Аннино честное

успѣніе: ꙗко та породѣ паче естества источника
жизни, Марію Богоотроковицу, изъ Неяже
родѣся Избавитель, просвѣщаѣя и освящаѣя
души наша.

Славословіе великое. [Ектеніи] и отпусть.

НА ЛИТУРГІИ,

Блаженна [отъ канона], пѣснь 3-я и 6-я.
Прокимень, гласъ 4: Дивенъ Богъ во святыхъ
Своихъ,* Богъ Израилевъ. **Стихъ:** Въ церквахъ
благословите Бога, Господа отъ источникъ
Израилевыхъ. **Апостоль къ Галатомъ,**
зачало 210 [отъ полу]. Аллилуія, гласъ 1:
Спасеніе праведнымъ отъ Господа, и защититель
имъ есть во время скорби. **Евангеліе Луки,**
зачало 36. Причастенъ: Радуйтесь праведни о
Господѣ, [правымъ подобаеть похвала.]

